

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-04-27823-212/20
Sarajevo, 18.09.2020. godine

KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine

PREDMET: Odgovor na zastupničko pitanje zastupnice Danijele Kristić

Zastupnica Danijela Kristić, dana 11.09.2020. godine, u skladu sa članom 211. Poslovnika Skupštine Kantona Sarajevo, postavila je zastupničko pitanje:

PITANJE:

„Molim da me obavijestite da li se Općina Novi Grad u proteklim godinama obraćala Vladi Kantona Sarajevo, nadležnim ministarstvima i javnim preduzećima po pitanju izgradnje prečistača koji prema Prostornom planu KS pripada zoni Reljeva, zbog čega je onemogućena izgradnja primarnog kolektora za naselje Zabrde, Reljevo i Sokolje.

Da li su poduzete ikakve aktivnosti u proteklim godinama po ovom pitanju i kada?

Da li se zbog nemogućnosti odvodnje otpadnih voda prema Butinama problem može riješiti sa pumpnim stanicama za otpadnu vodu?“

ODGOVOR:

Ministarstvo prostornog uređenja, građenja i zaštite okoliša nije nadležno za problematiku odvodnje otpadnih voda, bilo da se radi o izgradnji prečistača ili kolektora za otpadne vode, osim u dijelu izdavanja okolinskih dozvola po posebnim propisima. Općina Novi Grad nije se obraćala ovom Ministarstvu po pitanju izgradnje prečistača Reljevo.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029.
Fax: + 387 (0) 33 562-031

Sarajevo, Reisa Džemaludina Čauševića 1



Ministarstvo prostornog uređenja, građenja i zaštite okoliša se bavilo pitanjem odvodnje otpadnih voda samo u funkciji iznalaženja rješenja za procjedne vode sa deponije Smiljevići, a u skladu sa Programom sanacije i rekonstrukcije deponije Smiljevići za period 2016-2020.godina.

U okviru pripremnih aktivnosti za odabir tehnologije, rekonstrukciju i ponovno puštanje u pogon uređaja za prečišćavanje procjednih voda na deponiji, a na osnovu rezultata analiza procjednih voda, uzimajući u obzir cijenu investicije i operativne troškove, zaključeno je da procjedne vode sa deponije treba tretirati do nivoa omogućavanja ispuštanja u sistem kanalizacije, a ne direktno u otvoreni recipijent Lepenički potok, čime će se smanjiti troškovi investicije i održavanja postrojenja za prečišćavanje procjednih voda na RCUO Smiljevići.

S tim u vezi, više puta smo insistirali na potrebi izgradnje kanalizacionog kolektora Smiljevići-Zabrđe, te kolektora do prečištača Butila ili prečištača Reljevo, ovisno o tome koja varijanta je prihvatljivija sa aspekta integralnog sistema rješavanja otpadnih voda Kantona Sarajevo. Vlada Kantona Sarajevo je Zaključkom broj 02-05-25117-1/19 od 27.06.2019.godine zadužila Ministarstvo komunalne privrede i infrastrukture da, u saradnji sa Općinom Novi Grad, poduzme aktivnosti na izgradnji kanalizacionog kolektora Smiljevići - Zabrdje u 2020.godini.

Aktivnosti Ministarstva prostornog uređenja, građenja i zaštite okoliša na realizaciji Programa aktivnosti u okviru RCUO Smiljevići nisu nastavljene u 2020.godini, s obzirom na odredbe Sporazuma o prenosu prava i obaveza za upravljanje deponijom Smiljevići, zaključenog između Ministarstva prostornog uređenja, građenja i zaštite okoliša Kantona Sarajevo i Ministarstva komunalne privrede i infrastrukture Kantona Sarajevo 20.02.2020.godine.

MINISTAR

Faruk Kapidžić,dipl.ing.arh.

Dostaviti:

- Predsjedavajući Skupštine Kantona Sarajevo
- Služba za skupštinske poslove
- Stručna služba Vlade Kantona Sarajevo
- Sekretar Vlade Kantona Sarajevo
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

